

KLAUSA

- Satu unit rangkaian perkataan yang mengandungi *satu subjek* dan *satu prediket* yang berpotensi menjadi ayat.
- Frasa tidak mungkin menjadi ayat yang lengkap tetapi klausa mungkin menjadi ayat yang lengkap kerana klausa mempunyai subjek dan predikat, iaitu unsur utama yang wajib untuk status ayat.

Seperti contoh yang berikut:

- dia tidak datang
Subjek klausa: dia
Predikat klausa: tidak datang
- pakaiannya basah
Subjek klausa: pakaiannya
Predikat klausa: basah
- mereka berehat
Subjek klausa : mereka
Predikat klausa : berehat

Jika klausa tersebut diujarkan dengan intonasi yang sempurna, iaitu dimulai dan diakhiri dengan kesenyapan, klausa tersebut boleh bersifat sebagai ayat lengkap seperti contoh yang berikut:

- Dia tidak datang.
- Pakaiannya basah.
- Mereka berehat.

Klausa menjadi konstituen kepada ayat dan terbahagi kepada dua jenis, iaitu klausa bebas dan klausa tak bebas. **Klausa bebas** ialah klausa yang boleh berdiri sendiri sebagai ayat yang lengkap, manakala **klausa tak bebas** tidak dapat berdiri sendiri kerana maknanya bergantung pada klausa bebas. Lihat contoh ayat berikut:

- Dia tidak datang *jika tidak mendapat keizinan*.
 - Pakaiannya basah *kerana hujan lebat*.
 - Mereka berehat *apabila tiba masanya*.
- Klausa sebagai unsur ayat, klausa boleh dibahagikan kepada dua jenis, iaitu klausa bebas dan klausa tak bebas.

KLAUSA BEBAS

- Klausa bebas bersifat ayat yang lengkap (ada subjek dan predikat) dan boleh berdiri sendiri sebagai ayat apabila diucapkan atau ditulis.
- Klausa bebas ialah klausa yang dapat berdiri sendiri dan bersifat sebagai ayat lengkap apabila diucapkan dengan intonasi yang sempurna.

Contoh klausa bebas adalah seperti yang berikut:


1. ali pandai
2. saya akan pergi
3. dia sedang belajar
4. saya sudah makan

Berdasarkan contoh klausa di atas, klausa *ali pandai* mengandungi subjek ali dan predikat *pandai*, dan sekiranya diucapkan dengan intonasi yang sempurna dan betul, klausa tersebut akan menjadi ayat lengkap: *Ali pandai*.

Klausa bebas dengan sifatnya sebagai ayat yang sempurna boleh juga menjadi sebahagian daripada ayat yang lebih luas dan kompleks, seperti contoh yang berikut:

5. *Ali pandai* kerana Ali rajin membaca buku.
6. *Saya akan pergi* kalau waktu mengizinkan.
7. *Dia* sedang belajar di YRU.
8. *Saya* sudah makan roti canai.

Manakala klausa tak bebas pula, ialah klausa yang tidak dapat berdiri sendiri disebut klausa tak bebas. Dalam ayat yang mengandungi klausa bebas dan tak bebas, klausa bebas disebut klausa utama, manakala klausa tak bebas disebut klausa kecil, sebagaimana yang terdapat dalam rajah berikut:



- Perhatikan contoh berikut:

Klausa		Ayat	
Subjek	Predikat	Subjek	Predikat
budak itu	mendengar radio	Budak itu	mendengar radio.
ujian tadi	amat susah	Ujian tadi	amat susah
jambatan itu	jambatan kayu	Jambatan itu	jambatan kayu.
mereka	ke pantai	Mereka	ke pantai.

- Perbezaan ayat dengan klausa bebas amat kecil sekali.
- Ayat dimulai dengan huruf besar dan diakhiri dengan noktah manakala klausa tidak.

KLAUSA TIDAK BEBAS

- Klausa tak bebas hampir sama sifatnya dengan klausa bebas, yakni terdiri daripada unsur subjek dan predikat.
- Ciri utamanya ialah didahului oleh kata hubung seperti kerana, sungguhpun, walaupun, apabila, tatkala dan sebagainya.

- Perhatikan contoh-contoh di bawah. Klausa tak bebas digaris di bawahnya dan klausa bebas ditebalkan hurufnya. Dalam ayat seperti ini, klausa bebas juga dikenali sebagai *klausa utama*.

Adik gagal dalam ujian itu <i>kerana dia tidak membaca soalan dengan teliti.</i>
--

<i>Sungguhpun dia sibuk,</i> dia datang juga .
--

Ahmad akan menyertai perlawanan itu <i>jika dibenarkan oleh ibunya.</i>

<i>Kalau hujan turun berlarutan,</i> banjir akan melanda kawasan itu.

- Pengetahuan mengenai klausa amat penting dalam membina dan menganalisis ayat majmuk gabungan, ayat majmuk pancangan dan ayat campuran.
- Hal ini kerana ayat-ayat ini mempunyai dua atau lebih klausa; iaitu terdapat klausa bebas dan klausa tak bebas.
- Di samping itu, bilangan klausa serta jenis klausa menentukan bentuk-bentuk ayat dalam bahasa Melayu.

Ayat	Anak orang itu sedang tidur.				
Klausa	anak orang itu sedang tidur				
Frasa	anak orang itu		sedang tidur		
Perkataan	anak	orang	itu	sedang	tidur